

柳集笺校

蒋礼鸿

贞符

斯为诡譎闾诞，其可羞也。

旧校：其一作甚。

校曰：作其是。《说文》叙曰：“庶业其𡗗。”段注：“其同荀卿书之綦，犹极也。”

人乃并受休嘉，去隋氏，克归于唐，踴躍讴歌，灏灏和宁。

旧注：踴躍，行不进貌。

笺曰：踴躍直谓踊躍，喜悦之状也。

惩咎赋人

众鸟萃而啾号兮。

旧校：鸟为一作乌。

校曰：作鸟是。《楚辞·九歌·湘夫人》：“鸟何萃兮蘋中？”

封建论

布履星罗。

旧校：履一作濩。濩，散也。《选》：“声教布濩。”

校曰：作濩是。《文选·吴都赋》：“布濩皋泽。”刘逵

注：“布濩，遍满貌。”不特“声教布濩”一处也。

时令论下

未闻威之以怪，而使之时而为善，所以滋其怠傲而妄理也。

旧校：一又有使之时而为善六字。

校曰：有六字是，在为善下，所以上。

断刑论下

贯三木，加连锁，而致之狱吏大暑者数月，痒不得搔，痒不得搔，痛不得摩，饥不得时而食，渴不得时而饮，目不得瞑，支不得舒，怨号之声闻于里人。

旧校：吏一作更。

校曰：作更是，读平声，连下为句，犹经也，历也。

果以为仁必知经，智必知权。

旧校：一本仁下又有一仁字，若以为智四字。

校曰：一本是。此为四四句，当曰：“果以为仁，仁必知经。若以为智，智必知权。”

晋文公问守原议

则问非失举也，盖失问也。

旧校：一作问非问举非举，一作问非失问举非失举也。

校曰：二一作并非。据下言“问与举又两失”，则此二句当作“非失举也，盖失问也”，非下脱一字，为惟、特、但、徒等字，甚明。

论语辩下篇

令卒篇之首章然有是，何也。

笺曰：然，乃也。

道州文宣王庙碑

新宫既成，崇报孔明，千古有经。

旧校：千一作于。

校曰：作于是。

南岳弥陀和尚碑

铭曰：夫子稽首师顺风。

校曰：夫子当作天子，即碑所云“天子南向而礼”。《庄子·在宥》：“黄帝立为天子十九年，闻广成在于空同之上，故往见之。……广成子南首而卧，黄帝顺下风膝行而进，再拜稽手而问。”铭词即用其事。碑文云南向而不云北面，亦据《庄子》言之，所礼者南其首，则礼之者自南向矣。

故银青光禄大夫右散骑常侍轻车 都尉宜城县开国伯柳公行状

曾祖善才，皇荆王侍读。

笺曰：皇者，谓本朝也。后二皇同。《故秘书少监陈公行状》列五代祖某，陈宜都王。言陈者，谓前朝也。韩愈《董晋行状》：“曾祖仁琬，皇任梁州博士。祖大礼，皇赠右散骑常侍。父伯良，皇赠尚书左仆射。”与此同。

唐故兵部郎中杨君墓碣

鬼神齐怒。

笺曰：齐通济。《尔雅·释言》：“济，怒也。”齐怒同义连文。《楚辞·离骚》：“反信谗而齎怒。”齎一本作齐(齐)，亦济之假借。注家咸解齎作疾，虽有《说文》“齎，炊铺疾也”为据，盖皆未是。

唐故邕管经略招讨等使朝散大夫
持都督邕州诸军事守邕州刺史兼
御史中丞赐紫金鱼袋李公墓铭

弋弓服矢。

笺曰：服通箛。《方言》卷九：“所以藏箭弩谓之箛。”郭璞注：“盛弩箭器也。”柳谓藏矢于箛。

唐故岭南经略副使御史马君墓志

惟宝于鹽，亦贏具筹。

旧校：鹽一作鹽，一作監。

校曰：此二句即前所云海鹽增筹。二一作并非。

唐故安州刺史兼侍御史
貶柳州司马孟公墓志铭

代山九九，植柏与松。其名惟何？忠孝孟公。

旧校：名一作下。

校曰：下字是。

故殿中侍御史柳公墓表

撰期定宅。

笺曰：撰，选择也。《万年县丞柳君墓志》：“先时撰辰酌醴。”旧注：“撰，择也。”撰辰与撰期义同。

邠宁进奏院记

邠宁之能政也。

旧校：邠一作朗。

校曰：前云朗宁王张公，下云惟公端明而厚，则作朗是。

室小丘西小石潭记

影布石上，怡然不动。

笺曰：怡读为胎，不动貌也。《广雅·释诂》：“僚、胎，逗也。”王念孙《疏证》曰：“僚、胎者，《方言》‘僚、胎，逗也。南楚谓之僚，西秦谓之胎。逗，其通语也。’郭璞注云：‘逗即今住字也。’”

与萧翰林倬书

渐成怪民。

旧校：民一作人。

校曰：作人者，避太宗讳也，当从之。《与李翰林建书：“苟为尧人。”旧注曰：“避民为人。”是也。

与吕道州漙论非国语书

辄今往一通。

旧校：一作今往一通，一作今辄往一通。

校曰：当依后一作。

与友人论为文书

颇类之不除也。

笺曰：颇即下文“鉴之颇正”之颇，不正也。

与崔饶州论石钟乳书

旧校：饶当作连。

校曰：所校是。《唐文粹》卷八十三载此文，题正作连州。

答周君巢饷药久寿书

皆曰海上多君子，周为倡焉。

焉字下旧校曰：一作首。

校曰：作首是。《上严东川寄剑门铭启》云：“剑门用兵之事，最为天下倡首。”两“倡首”同。

与李睦州论服气书

前四五日，与邑中可游者游愚溪，上池西小丘，坐柳下，酒行甚欢，坐者咸望兄不能俱。

笺曰：望为怨望之望，犹憾也。

与杨晦之书

则足下亦教谕之至，固其进如此也。

笺曰：固读为故。

答韦珩示韩愈相推以文墨事书

且足下志气高，好读南北史书，通国朝事，穿穴古今，后来无能
和。

旧校：〔和〕一作加。

校曰：一作是。

礼部为百官上尊号表

弘帝尧之法天。

旧注：《论语》：“惟天惟大，惟尧则之。”

校曰：注惟大当作为大。又，此《孟子·滕文公》上篇文，注以为《论语》，亦误。

为京兆府请复尊号表

日日以冀。

旧校：一作日月。

校曰：日月是。

乐以终日。

旧校：以一作只。

校曰：一作是。《诗》言“乐只君子”，此用其语。

凡在覆载。

旧校：一有孰不兢惧四字。

校曰：有四字是。

第三表

臣伏以耆老并皆发丹诚。

旧校：一无皆字。

校曰：无皆字是。

复请徽号。

校曰：复请当作请复。

为王户部荐李谅表

弘辅治化。

旧校：治一作理。

校曰：作理是，避高宗讳也。

为刘同州谢上表

陈力无裨于造化。

校曰：裨当作裨。

代韦永州谢上表

少禅悵悌之风。

校曰：禅当作裨。

柳州上本府状

已帖县准牒待秋后举处分论。

旧校：举一作与。

校曰：一作是。

祭崔君敏文

某咸以罪戾，谪兹炎方。

旧校：咸一作顷。

校曰：一作是。

杨氏子承之哀辞

魂冥冥兮竟难托。

旧校：难一作谁。

祭臺文

有蠢黄孽，保固虐人。

旧注：固，险固也。

笺曰：保固，谓恃其险固以作乱。《汉书·武五子传》：“大江之南，五湖之间，其人轻心，扬州保疆。”李奇注：“保，恃也。”保固或云负固。《周礼·夏官·大司马》：“负固不服则侵之。”郑玄注：“负，恃也。”

同刘二十八院长述旧言怀感时书事
奉寄澧州张员外使君五十二韵之作

册府荣八命，中阁盛六珈。

旧校：八一作三。

校曰：以律言之，三命为是。《左传》昭七年：“三命兹益共。”

古东门行

绝臄断骨那下补？

旧校：下字一作可。可一作暇。

校曰：当作暇字。下者，暇字音近之误。校者于下字不得其说，乃改作可，俾可通，而不知其误也。

行路难

桃笙葵扇安可当？

旧校：当一作常。

校曰：一作是。谓炎夏既过，二物不得常进用也。

非国语上

三川震，是特老圃者之为也。

旧校：一本云：“是特老妇老圃者之为也。”

校曰：一本是。釜鬲而羹，老妇之为；哇汲而灌，老圃之为也。

非国语下，乞食于野人

人以土服。

旧校：人，《国语》作民。

校曰：柳集作人者，以唐讳改也。

为文武百官请复尊号第六表

臣某等伏以为事贵举其中，立名恶浮于实。

旧校：他本无为立二字。

校曰：他本是。

贺赦表

赦作解之泽。

笺曰：《易·解》：“象曰：雷雨作，解，君子以赦过宥罪。”下云：“洗涤幽紲，雷雨之施也。”亦用《易》义。

与卫淮南石琴荐启

稍以珍奇。

校曰：稍以当作稍似。似，副词词尾，无义。唐刘肃《大唐新语》卷七，知微第十五：“杨稍似沉静，应至令长。”《太平广记》卷三百九十七引《玉堂闲语》：“复登措大岭，盖有稍似平处。”皆其例。他例尚多，详余所撰《敦煌变文字义通释·释虚字》。

作者工作单位：杭州大学中文系

（本文责任编辑：魏文峰）